

中毒

瘴名黃芭而終於春云々南國溫暖之地可有瘴疾故知天氣極熱大暑之歲人多可有瘴氣瘴與瘧尤難分別歟只不問瘴與瘧先可用局方正氣散養胃湯不換金正氣散等之發汗藥隨證次第治草豆蔻飲口治山嵐瘴毒氣令不著人

〔病名彙解〕二中毒 砒霜鳩斑貓其外河豚魚蕈菌ノ類ナドノ食物ノ毒ニ中タルコトナリ

〔日本書紀三神武〕戊午年六月丁巳至熊野荒坂津亦名丹敷浦因誅丹敷戶畔者時神吐毒氣人物咸瘞由是

皇軍不能復振

〔日本書紀七景行〕四十年是歲略○中日本武尊進入信濃是國也山高谷幽翠嶺万重人倚杖而難升巖嶮

磴紆長峯數千馬頓轡而不進然日本武尊披烟凌霧遙徑大山既逮于峯而飢之食於山中山神令苦

王以化白鹿立於王前王異之以一箇蒜彈白鹿則中眼而殺之爰王忽失道不知所出時白狗自來有

導王之狀隨狗而行之得出美濃吉備武彥自越出而遇之先是度信濃坂者多得神氣以瘼臥但從殺

白鹿之後踰是山者嚼蒜塗人及牛馬自不中神氣也日本武尊更還於尾張即娶尾張氏之女宮竇媛

而淹留踰月於是聞近江膽吹山有荒神即解劍置於宮竇媛家而徒行之至膽吹山山神化大蛇當道

爰日本武尊不知主神化蛇之謂是大蛇必荒神之使也既得殺主神其使者豈足求乎因跨蛇猶行時

山神之興雲零水峯霧谷曠無復可行之路乃棲遑不知其所跋涉然凌霧強行方僅得出猶失意如醉

因居山下之泉側乃飲其水而醒之故號其泉曰居醒泉也日本武尊於是始有痛身然稍起之還於尾

張略○中逮于能褒野而痛甚之則以所俘蝦夷等獻於神宮因遣吉備武彥奏之於天皇曰臣受命天朝

遠征東夷則被神恩賴皇威而叛者伏罪荒神自調是以卷甲戡戈愷悌還之冀曷日曷時復命天朝然

天命忽至隙駟難停是以獨臥曠野無誰語之豈惜身亡唯愁不面既而崩于能褒野時年三十

〔古事記中景行〕於是詔建命茲山神者徒手直取而騰其山之時白猪逢于山邊其大如牛爾為言舉而

詔是化白猪者其神之使者雖今不殺還時將殺而騰坐於是零大冰雨打惑倭建命此化白猪者非其神之使者當